

13 DECEMBRIE

RUGACIUNEA 2

SF. CUVIOS

GHERMAN DE LA ALASKA

МОЛИТВА

Постнически поживый на земли, радостнѣ же прешедый къ жителству на небеси, преподобне отче Германе, ты пресельникъ въ странѣ дальней бодръ и послушливъ показался еси: въ сердцѣ бо своемъ имѣя дивный Валаамъ и отечество твое — землю Русскую; вѣру Православную ты, со апостольскою ревностію распространилъ еси и яко начатки трудовъ твоихъ, алеутскія и аляскинскія люди, любовію въ сердцѣ своемъ нетѣсно вмѣстилъ еси, пѣстужа ихъ и наученіемъ Евангельскимъ снабждая. Услыши нынѣ молящіяся въ странѣ пришельствія твоего, слыши и стенанія изъ страны отечествія твоего, прими молящіяся ти на всякомъ мѣстѣ владычествія Божія! Ходатайствуй намъ скорое умягченіе ожесточенныхъ душъ нашихъ, испроси намъ разумѣніе: что есть воля Божія? И аще ничтоже благо сотворимъ предъ Богомъ, да положимъ начало благое. Якоже и ты, кроткій проповѣдникъ, реклъ еси, да поне отъ сего дне и

часа́ потщима́ся возлю́бити Бо́га превы́ше всего́.
Бо́гъ бо на́шъ вои́стину любви́ е́сть, Ему́же и
сла́ва во вѣ́ки подоба́еть, Отцу́, и Сы́ну, и
Свято́му Ду́ху, ны́нѣ и прѣ́сно и во вѣ́ки вѣ́ковъ.
Аминь.